

*Vest-Telemarkrådet*

## **Referat frå rådsmøte 14. september 2010.**

Tilstades: Regionordførar Anne-Nora Oma Dahle, Bjørn Nome, Olav Urbø, Torstein Tveito, Solveig S. Abrahamsen, Arne Vinje, Sverre Sæter, Ketil Kiland, Therese Hauger, Hans Bakke, Per Dehli, Hans Kristian Lehmann og Kjell Gunnar Heggenes.

Innkalling og sakliste vart godkjent utan merknader.

### **Sak 56/2010 Referat frå møte 10. august 2010.**

*Vedtak: Referat frå rådsmøte 10. august 2010 vart godkjent utan merknader.*

### **Sak 57/2010 Organisering av politiet i Vest-Telemark.**

Som grunnlag for saken låg føre korrigert utgåve av rapporten om samlokalisering av lensmannskontor i Vest-Telemark.

Politimeister Anne Rygh Pedersen var tilstades i møtet og orienterte nærare frå rapporten. I utgreiinga på rådsmøtet skisserte politimeisteren ei ny organisering der politiet i Telemark vert inndelt i 2 geografiske driftseiningar hhv. "Nedre/Sør" og "Øvre/Nord", der sistnemnde driftseining vil bestå av kommunane: Bø, Fyresdal, Hjartdal, Kviteseid, Nissedal, Nome, Notodden, Sauherad, Seljord, Tinn, Tokke og Vinje.

Forslaget inneber ein reduksjon frå 6 til 2 lensmannskontor i Vest-Telemark, og politimeisteren forslår eitt kontor lagt til Åmot og eitt kontor lagt til Seljord eller Kviteseid. I tillegg vert det skissert politipostløysingar i dei andre kommunane.

Vest-Telemarkrådet vert, saman med andre høyringsinstansar, invitert til å seie si meining om forslaget til ny organisering av politiet. Høyringsperioden er 2 månader.

*Vedtak: Vest-Telemarkrådet tek orienteringa til vitande.*

### **Sak 58/2010 Samkommunemodellen. Mogleg ny modell for interkommunalt Samarbeid. Høyring.**

På bakgrunn av drøfting i forrige rådsmøte låg det føre forslag til uttale i saken.

*Vedtak: Forslaget til uttale om samkommunemodellen vert vedteke mot 1 røyst.*

### **Sak 59/2010 Strategisk plan for Høgskolen i Telemark 2010 – 2014, høyring.**

På bakgrunn av drøfting på førre rådsmøte låg det føre forslag til uttale i saken. Arne Vinje foreslo ei tilleggsformulering omkring skulestrukturen.

*Vedtak: Forslaget til uttale vert samrøystes vedteke med dei føreslegne tilleggsformuleringane.*

**Sak 60/2010 Vidare organisering av regionsamarbeidet. Forslag til vedtekter.**

Saken vart lukka på bakgrunn av dei pågåande tingingane med fylkeskommunen gjeldande Telemark utviklingsfond og finansiering av regionsamarbeidet.

Vedtektene for utviklingsfondet skal opp til endeleg handsaming i fylkestinget i slutten av oktober.

*Vedtak: Saken vert utsett.*

**Sak 61/Orienteringssaker.**

Bygdelivsprosjektet, rapport v/Emilie Asplin/Elisabeth Lid.

Emilie Asplin og Elisabeth Lid orienterte nærare om det 3-årige prosjektet som no er avslutta. Målsettinga har vore å marknadsføre regionen med tanke på auka tilflytting og etablering, og det har vore gjennomført ei rekkje aktivitetar og arrangement. Erfaringar viser at arbeid med tilflytting er av langsiktig karakter. Prosjektet kan vise til om lag 25 familiar som har flutt til regionen i perioden. I tillegg er det etablert 3 nye næringsbedrifter.

Arbeidet med å auke attraksjonskrafta i regionen går vidare, og det er løyvd midlar til å vidareføre dette viktige arbeidet. Det vert sett sterkare fokus på vertskapsrolla med auka merksemd omkring nettverk og møteplassar og ikkje minst vert det arbeidd med tilgang på bustader og arbeidsplassar. Prøvebustadsprosjektet er såleis ein spanande del av dette arbeidet.

*Vedtak: Vest-Telemarkrådet tek orienteringa til vitande.*

Breiband/mobildekning, orientering v/Børge Skårdal.

*Vedtak: Saken vert utsett til eit seinare møte.*

Brannsamarbeidet, orientering v/ Hans Kristian Lehmann.

*Vedtak: Saken vert utsett til eit seinare møte.*

Samliv - heilskapleg tenking, v/ prosjektleiar Anders Mathias Larsen.

Anders Mathias Larsen orienterte om arbeidet i organisasjonen LEVEL som har tilhald i Vest-Agder. Konseptet har som målsetjing å bidra til gode og trygge samliv. Gjennom ulike typer kurs vert det fokusert på kommunikasjon og konfliktløysing. LEVEL er eit samarbeid mellom dei ulike fagmiljøa i kommunane, den vidaregåande skulen og kyrkja.

Anders Mathias Larsen viste til at 9 av Agder-kommunane no nyttar seg av dette tilbodet og inviterte også Vest-Telemarkkommunane til å ta verktøyet i bruk. Det er ein etableringskostnad på kr. 10 000,- pr kommune, og det må gjerast politiske vedtak i kommunane.

*Vedtak: Vest-Telemarkrådet tek orienteringa til vitande.*

**Sak 62/2010 Ymse**

Ingen saker

Referent: Kjell Gunnar Heggenes